

alij de te mihi dixerunt. Sit itaque pax cum spiritu tuo, sit anima tua cum Deo meo. Sit melior finis orationis, quam principium, quia omnis laus in fine canitur. Totus sum vester.

78.

1178.

Ärke-Biskop ABSALONS Gåfvobref på Wä till Abbotstift för Prémonstratenser Orden; jemte utbyte af Skipparslöf mot Kiaby och Kuicum Capell med hela socknens tionde.

K. e. 1: 258.

In nomine sancte & indiuidue trinitatis Amen. ABSALON dei gratia Lundensis Archiepiscopus, Apostolice sedis Legatus, Primas Danie atque Suethie dilectis in Christo filiis, *Tobie* & fratribus *ecclesie sancte Marie* de *We* tam presentibus quam futuris regulariter substituendis imperpetuum. Pro debito officii nostri summopere curandum est nobis ut vinea Domini Sabbathoth que prestantius in religiosis viget diffusa latius palmitum suorum propagine die in diem crescat & fructificet. Ea propter bonis vestris successibus filii in domino karissimi pie congratulationis affectu congaudentes & quod nostrum est exequentes prefatam videlicet ecclesiam sancte *Marie* in *We* cum omnibus suis pertinentiis ad faciendum Abbatiam Promonstratensi ordini perpetuo liberam concedimus insuper ecclesiam de *Kiebu* & omnia ad eam pertinentia capellam videlicet de *Kuicum* cum decima totius parrochie que ibidem in ius nostrum cedit pro Ecclesia de *Schippersleph* commutaui. Ut autem hoc ratum & inconcussum permaneat presentem paginam sigilli nostri impressione & testium subscriptorum munire curauit.

Ego ABSALON Lundensis Archiepiscopus, Apostolice sedis Legatus & Swethie primas. ss.

Ego SAXO Lundensis Ecclesie Canonicus. ss.

Ego TOBIAS Abbas de *We*. ss.

Ego MAGNUS Diaconus ABSALONIS Lundensis Archiepiscopi. ss.

79.

1178—1182.

Abbot PETERS i Remi Skrifvelse till Lunds f. d. Ärke-Bisk. ESKIL, som ingått i Clairvaux kloster.

K. h. 2: 602. N:o 135

*Eskilo Londensi quondam Archiepiscopo, Petrus Abbas S. Remigij.*

Frequens corporis molestia hortatur cogitare de patria', vbi nulla est tristitia. Quanto enim ista infeliciar quam patimur, tanto illa felicior quam

speramus. Vtinam iam littus eius attingeremus! vtinam fluctus istius euaderemus! Circumferimur, periclitamur, naufragia experimur, & exire dissimulamus? Quis non optat portum, ne incurrat naufragium? Quis non præcidit hærentis in salo nauiculæ funem, ne sentiat tempestatem? Quis negligit patriam, & amat exilium? Quis fugit patrem, & sequitur hostem? Gaudeo quia iam tenetis portum, & sedetis ad portam sanctæ ciuitatis, cuius participatio in id ipsum. Vacillat quidem adhuc nauicula nostra, sed spero & expecto solatum vestrum, cuius per integrum amicitiam possideo totum animum. Adiuro vos, si inuenieritis dilectum, immo si veneritis ad eius cubiculum, nuncietis ei quia amore langueo. Credite mihi, si venirem ad porticum Salomonis, ne dicam ad sanctuarium Saluatoris, loquerer pro amico, postularem pro domino meo, pronunciarem in auribus Domini Sabaoth, & quæ mihi, & quæ per me pauperibus fecistis. Appellarem pium, compellerem iustum dicens, *Memor esto verbi tui seruo tuo.* Est enim verbum tuum, *quod uni ex minimis meis fecistis, mihi fecistis.* Ecce substantia domini mei Londensis quondam Archiepiscopi, nunc pauperis Clareuallensis, per manus pauperum tuorum apud te est. Repende ergo ei vicem, & da ei substantiam tuam, qui tibi dedit suam, tamen quam tu dederas, quam a te acceperat. Amantissime pater, non dormit neque dormitat in recordatione vestra cor meum. Clamat, pulsat, statque ad fores nostras, quando inquiens videbo quem desiderat anima mea? quando veniam & videbo illum? Via longa est, pedes vix mouentur, renes congeulantur, & quomodo longe positus amicus videbitur? Quærendum est ergo remedium, vbi primum deest solatum. Pergere nequeo, scribere saltem valeo. Cernere non potest oculus, alloquatur stylus. Currat in membranis litera, quia in membris suis retardatur corporalis præsentia. Referat charta quod non potest lingua. Suppleat imago mortua, quod non valet viua & vera. Syllabæ fortunam nostram nuncient, quia eloquia oris nequeunt: desidero vos videre. Pax Christi & gratia Dei vobiscum semper. Saluto Capellanos, & Priorem, dominum Gaucherium, & dominum Autisiodorensem Episcopum, & Philippum, & omnes amicos nostros. Valete.

80.

1178 — 1182.

Abbot PETERS i Remi Skrifvelse med Bisk. FOLKE, och förord för honom, till Ärke-Bisk. AB SALON i Lund.

K. h. 2: 607. n:o 154.

*Archiepiscopo Londensi, Petrus Abbas S. Remigij.*

Gratias diuinæ agimus gratiæ de bono odore gratissimæ famæ vestræ; ~~enim~~ tam copiosa redundant affluentia, vt cælos ascendat, & terras etiam finitimas